

臨桂縣志

之下

二冊

臨桂縣志

卷下

七

臨桂縣志卷二十八
人物志一

唐

先賢一

劉瞻字幾之桂州人登大中初進士四年又登博學宏詞科累官至刑部尚書集賢殿大學士十一年八月同昌公主薨懿宗嗟惜以翰林醫官韓宗劬等用藥無效下獄并收其宗族三百餘人皆滿諫官無敢極言瞻上疏以為修短之期人之定分昨宗劬等診療之時非不盡心而禍福難移竟成蹉跌原其情狀亦可哀矜而械繫老幼三百餘人物議沸騰道路嗟歎伏願少回聖電寬釋繫者上覽疏不悅瞻又與京兆尹溫璋力諫於前上大怒即罷瞻相位檢校刑部尚書同平章事死荆南節度等使尋貶康州刺史金通

案唐書作彭城人今從通鑑金通案新唐書瞻傳先居益城後徙桂陽文甚明白桂陽於唐屬柳州唐人或通稱之曰桂州通鑑偶仍其稱非廣西之桂州也金志明著異同蓋亦存疑之意姑仍之

畢都護不知其名張九齡曲江集云畢公東平人後家於桂州始安起諸生為廣州湏陽令尋轉韶州司馬秩滿丁內憂公性至孝幾於毀滅御史大夫蕭瑒嘉之拔補按察判官義行相成終始如一尤加欽重特以表聞敕授新州刺史屬恩州土帥日尋干戈後按察使宋璟委公為五府總管以甲卒戍焉雖臨之兵威而開以恩信環以為能養補恩州刺史尋加朝散大夫遷端州刺史秩中散大夫拜安南副都護到官未幾卒粵西文載曹唐自克賓初為道士有詩名太和中舉進士累為諸府從事及仕諸幕頗多贈答具大小遊仙

諸篇語尤清麗在三唐中又別裁一體焉金通

趙觀文乾寧二年狀元及第是年試觀人文化成天下賦內出白鹿宣示百僚詩放進士張貽憲等二十五人觀文第八被黜者訴不當乃重試觀文遂魁多士是時劉季述輩專橫觀文以爲言忤宰相崔蔭意謝病歸鄉

趙觀文重試及第詩

一枝仙桂兩回春始覺文章可致身已把色絲選上第又將彩筆冠羣倫龍象再淬方知利火沉重燒轉見新今日舉頭看御榜大能榮耀苦人心

五代

李象往桂州人後周廣順元年馬希崇幽希萼於衡山縣自立爲武安畱後武平畱後劉言聞希崇立遣兵趣潭州聲言討其篡奪之罪壬午軍於益陽之西希崇懼癸未發兵二千拒之又遣使如朗州求和請爲鄰藩象往時爲言掌書記說言曰希萼舊將佐猶在長沙此必不欲與公爲鄰不若先檄希崇取其首然後圖湖南可兼有也言從之希崇畏言即斬都軍判官楊仲敏掌書記劉光輔牙內指揮使魏師進都押牙黃勳等十餘人首遣前長陽縣令李翊齎送朗州李通

謹案通志李觀象傳引十國春秋云李觀象桂林人初事劉言掌書記時恭孝王弟希崇幽王於衡山言遣兵趣潭州討其篡奪之罪觀象說言曰希萼舊將猶在長沙此必不欲與公爲鄰不若先檄希崇取其首然後圖潭州可坐而有也言從其計於是希崇送楊仲敏等首於軍前而言已駭駭有得湖南之勢矣言既死復事周行逢爲節度副使行逢性嚴酷懼及禍乃陽寢楯幕卧楮被以結行逢心行逢果信用之凡軍府事無輕重皆取決焉疾革時

命子保權事以師禮無何張文表之亂作文表滅而宋師繼至不止保權召觀象議之觀象曰夫請師以討文表也文表已破而師不還豈非朝廷將有事南土乎我國所恃者江陵之在北境耳今江陵已束手不能自救欲與相拒所謂魚入沸鼎而更鼓鬻掉尾其可免乎惟公善圖之無失子孫萬世利也保權不得已乃出郊迎宋太祖嘉觀象勸降功大加超擢觀象饒才略性多嫉妬好蔽人之善零陵儒士蔣密喜吟詠得風騷之旨嘗題桑云綺羅因片葉桃李漫同時爲作者所許觀象聞之謬驚曰此僕詩也何密之能爲士林以此薄之

宋

翁宏字大舉富寓居韶賀間不仕進能詩送人下峽云萬木殘秋裏孤舟半夜猿南越行云因尋買珠客誤入射猿家細雨云何處殘春夜和花落古宮逢友人云孤舟半夜雨上國十年心閑寶中衡山處士廖融南遊宏贈以詩云孤吟半渚月老憶洞庭山融以詩謝宏云積思遊滄海冥謗入洞天神珠迷周象瑞玉匪雕錫其互相推重如此文粵韋宏同邑有裴諧者唐人裴說之弟武穆王時隱於桂嶺工於歌詠湘江吟云風回山火斷潮落岸冰高亦佳句也春國王元字文元貧病苦吟妻黃氏元每中夜得句輒先起然火具紙筆元甚相重元有聽琴詩曰拂琴開素匣異事獨顰眉古調俗不樂正聲君自知寒泉出澗澗老檜倚風悲縱有來聽者誰堪繼子期又題鄧真人遺址曰三千功滿輕昇去畱得山前舊隱基但見白雲長掩映不知浮世幾興衰松梢風觸霓旌動樓葉霜霑鶴翅垂近代無人尋異事野泉噴月瀉秋池又贈廖融云伴行惟瘦鶴尋寺入深雲終於長沙粵西文載

劉歸字升之家近長山日棲止巖中有詩名先是桂帥呂愿忠賦秦城王氣詩欲以媚檜邀歸共賦歸託疾不預後帥李大異聞而嘉之題所居巖曰蟄龍

文武

黃齊字義卿紹興二年舉進士調賀州富川尉迎父表中就祿養值盜曹成寇攘齊懼遠親憂自奮擒獲七十人磔之縣以安堵第功改京秩僉判柳州再僉知昌化軍賜對其言桂林潛藩多俊秀而賓興之數狹地瘠民貧而折納之輸重詔增鄉貢三人減軍輸布錢九百萬有奇鄉人利之紹興三年自肇慶來攝新州踰年種刺竹圍城一千二百餘丈胡侍郎銓為記其事先是鄉民之貧死者猶附於籍富厚者多避事役齊榜諭之且置大櫃於州門令民自投戶數於中限端折封於戶口覈實賦役均平民以不擾後知廉州舊有珠池齊奉詔罷貢禁采珠是歲珠溢池外具卒

范成大為誌其墓張栻為之題額云

鵷

石安民字惠叔紹興十五年登第為象州判官累決冤獄稱其明恕分教廉藤二州文風大振喜為詩奇麗雄深末年歸於平淡有文集晚知吉陽未赴而卒安民早從路允迪沈晦胡寅遊尤受知於張忠獻及汪應辰其後張孝祥帥桂益敬愛之為榜於堂曰瑞文二弟安行安持皆賢能文人號為三石

鵷

滑懋字和仲以文學為轉運使丹陽張釜所器接以上賓釜常偕懋及諸僚幕泛舟瀕江徧眺諸

錄

勝明日獨以所賦詩示懋懋感其意刻之龍隱復為之記

錄

張茂良雅有著作才又篤耽古故為文氣高語潔削去宋季朽頊之態有瀕山所列廣西經略顯謨趙公德政頌序其文甚藻麗仕為潭州善儀主簿

鵷

李守柔字必強紹興間與兄守卓相繼登第為雷州海康令初趙鼎南貶前令王超以故相禮之

秦檜廉其狀株連守柔十年不調檜死始改倅邕守武臣御下嚴衣糧不時給將大閱衆洶洶不靖守柔勸使移病爲攝州事下令發帑廩給諸將引首亂者斬之軍中肅然後知梧州宜州最後知新州卒

金通志

張仲宇字德儀紹興間以文藻稱與同郡石安民相爲引重桂帥張栻張孝祥范成大先後至府禮以上客所著有桂林盛事記范公諭民文舉葬文鴆載

元

秦仲禮慷慨有志湖湘寇入廣西廉訪使令往征仲禮慨然就道武岡洞賊擾桂城仲禮從官兵戰走之功聞授義甯縣尉威懾邊徭改攝臨桂縣主簿修池之役供具百出應用無違上官才之令兼防禦南鄉背山村賊乘夜墨面數來寇皆設計擒獲遠近肅然

文鴆

鄧雲翔喜讀書尚禮節桂俗素尚鬼卽士大夫家多延僧道及巫師雲翔太息曰生則誦聖言以邀名死則誦僞經以求福豈幽明有二道乎非其鬼而祭之詔也吾惟知遵吾教而已病革誠家人毋妄禱葬祭一準文公家禮焉

舊志

明

吳文字尚質洪武乙丑進士是年始選進士入翰林文在選中官檢討後出爲湖廣右參議與湖廣右參政王景範左參議鄭陽同日陞辭上親諭以典藩之法曰卿等所學常懷致君澤民朕今簡用特冀儒術之異於常人也勉之文到官具錄聖諭置廳事中或有追悔則曰得無負聖諭耶立取其事更審覈之必當乃已以政聲聞補通志

王溥字士淵洪武末爲廣東參政亦以廉名其弟自家來省屬吏與同舟贈以布袍溥命還之曰

一衣雖微不可不慎此汙行辱身之漸也糧運由海道多漂沒溥至庾嶺相度形勢命有司鑿石填塹修治橋梁易以車運民甚便之居官數年筭無重衣庖無兼饌以誣逮下詔獄案屬饒臚皆不受曰吾豈以患難易其心哉事白得歸卒明史劉仕範傳

崇文載傳作臨桂人字士淵洪武乙丑進士以郎中擢廣東右參議

岳敏字敏學洪武庚午舉人授河南道御史擢河南副使永樂元年擢四川按察使居官廉介卒之日家無餘物舊志

侯禮洪武庚午舉人拜江西僉事坐事左遷連州判官會猛獍覲阿孫等劫掠鄉村經年不能制禮躬抵賊巢諭以禍福阿孫率眾向化未幾獠蠻廖黃秀等三百餘人據高良鄉欲攻州城禮又招徠之悉為編氓秋滿升本州知州九載考績民詣闕保畱復任九載文粵西載

劉淵洪武甲戌進士任監察御史能貞百度官至湖廣左布政使聘文粵西載

唐耕字庶耘與黃驥諸萬平竝以才名洪武丙子舉人由訓導擢知河源以廉能升監察御史遷國子司業與修永樂大典卒於官有河池守禦所修城記人競傳之舊志

陳新洪武間任會同知縣居官公勤稍暇召生徒講授茅屋蕭然不以介意縣人思之不已繼之者為上官謙亦廣西人公勤足以繼新眾大悅秩滿父老奏畱之後遷知壽州文粵西載

李文選早喪父事母莫氏至孝具甘旨候寒溫晨昏不少懈母喜則喜母或不樂則拜問其故致婉詞慰之必母喜乃止尤能愛其兄弟鄉族稱之無間言洪武十八年旌之文粵西載

龍韜字君略建文己卯舉人授浙江嘉興推官政平訟理擢山東道監察御史激揚有聲不避權要後升雲南按察司簽事所至著丰裁以此招忌引疾歸尋以恩進階李通志

李通桂林人永樂十二年知陽春縣敦厚公平苛政不施士民樂業續錄名

劉湛字嗣澄永樂十二年舉人正統間任潮州知府時漳寇林烏鐵等擾郡之三鏡勢甚猖獗湛

躬統民兵勦捕殆盡郡中苦荒歉二年稅糧不能輸湛奏免民德之文載西

賀敬永樂乙未進士任監察御史激揚有聲升湖廣副使文載西

楊璉登永樂癸卯鄉薦應官戶部員外郎年逾五十即引疾歸里蕭然一室常不能舉炊或勸之

官連歎曰古人爲貧而仕吾親已不逮若爲子孫計心竊恥之乃以卜自終其身舊志

馬聰字馴良永樂癸卯舉人正統九年任九江德化知縣莅事勤敏郡城南有甘棠湖隄唐刺史

李渤所築歲久且壞行旅阻畏一日見女裸體而渡聰惻然念曰此令之過也遂率民往築堦以

巨石極其堅固復於兩旁植柳以護之上有煙水亭宋濂溪周先生祠久圯聰復修葺之後升工

部主事卒於官妻子昇樞還道經故治民懷其德遂迎葬於廬山之麓復畱其妻子居焉文載西

徐賢字遂良永樂甲辰進士累官廣東副使綽有政績孫淮由進士知通州究心於學都御史林

富序通志謂淮與鄭進士琬與有力云文載西

胡崢博學能文章永樂丁亥詔徵至京師與修永樂大典書成將授館職以老辭不拜仍歸舊隱

所居林木翳薈構一小樓棲其上當春夏之交蔥蒨撲人眉宇因顏其樓曰環翠舊志

莫愚由鄉舉以郎中出知常州奏請減宜興歲進茶數禁公差官凌虐有司嚴核上官薦劾之實

皆報可郡民陳思保年十二世業漁其父兄行劫思保在舟中有司以爲從論當斬愚疏言小兒

依其父兄非爲從比令全家舟居將舉家坐邪宣宗命釋之謂廷臣曰爲守能言可謂有仁心矣

正統六年秩滿郡民乞留巡撫周忱以聞詔進二階復任明史陳本深傳

劉瑒字宗正宣德七年舉人爲松江推官行部使者爲其清恕召授監察御史巡視京畿摘諸權貴不法保河兩郡戚姓閭閻望風歛迹鎮守大臣爲大書桂林秋月柏府春風以贈之尚書倪敬

詩通

記其事久之出爲陝西按察副使爲怨家中傷謫雲南景東衛經歷以老疾求去
黃瑜字仲美正統九年舉於鄉授兗州府同知時歲歉坐令所屬發粟賑且值水患築隄禦之升本府知府遭喪歸過兩廣徭寇猖獗都御史葉盛請以瑜知肇慶至則剔蠹剷弊百廢漸興化所屬諸蠻聽詣郡自行首服祀邑孝肅以風後進都御史韓雍嘉其治行奏請加秩以布政司參政掌府事先後歷十五年郡人感之

舊志

蘇潤景泰中惠州府同知郡治有交衢雨集淖深出官錢砌以石達之郭外民便之修博羅長樂學宮築長沙塔蘇村隄拱北保甯橋咸有勞績公暇復修郡志刻之

鴻輶

舊志

秦宏景泰癸酉舉人成化初知興甯縣明達剛介豪猾歛迹奏立城池至今賴之
翟觀成化乙酉舉人弘治三年知瀧水縣縣苦盜觀開誠撫綏盜用解散民賴以安三年遭父喪歸士民愬於朝遷肇慶通判盜皆歛迹久之以同知領縣建東西兩營分兵居守建五十九砦藉其人爲砦兵盜不敢復窺瀧關荒田九頃鑿水圳四十八處縣人頌之

鴻輶

劉本成化丙戌進士授刑部主事少時舉措必稟命父母每讞獄輒遲徊久之而後決曰得毋鄰於刻而違親訓乎後廬墓感白蓮芝草之瑞有司聞於朝旌其門曰孝行張駿有比部劉孝子歌

詩通

包裕字好問成化戊戌進士由撫州推官徵授御史有謇諤風巡按貴州後爲雲南按察僉事踰年遭喪歸復僉河南擢雲南按察副使會邊夷叛督兵討之有功賜金鉞區畫地方事宜遺利甚

廣漢人賴之後以疾自陳致仕歸嘯歌娛志於勢利泊如吳廷舉戎雁門寄詩贈之所著有拙庵稿詩通弘治元年巡按貴州寬洪仁恕恥以鷹擊鵩攫爲能凡事務通民情一恕而成尤加惠荒獨至養濟院無大所者貴州名宦志

胡倬字用晦成化二十年進士莅事警敏任戶部員外郎累抗中官下錦衣獄事白尋復官同時稱其勁直後擢陝西僉事轉回原副使詩通

李純成化間知鎮南州潔己恤民恥爲己私後升南昌知府詩通

劉坦字士真任江西南昌府學訓導履嚴行飭學士張元禎檢討莊昶俱重其爲人元禎爲其母作墓志謂士真去吾失賢友矣別號平齋昶贈平齋詩文獻

案劉坦一作劉旭舊志

劉天麒字釗同年進士分司呂梁奄人過者不爲禮憩之劉瑾逮下詔獄謫貴州安莊驛丞卒嘉靖初復官予祭明史葉釗傳

案天麒字仁徵弘治壬戌進士舊志

毛錦六歲喪父以不知祖母墓爲恨每至春秋墓祭時輒望空痛哭一日行山間阮若有物前導趨逐之披草而卧碑見焉卽其祖母墓也時孟御史洋謫桂林教授聞其事以詩贈之舊志

蕭淮字東之正德進士由行人授御史時逆濠將作難自胡世寧范輅以疏濠狀相繼得罪無敢言者淮具奏謂寧藩惡貫已盈後毒方潰賊臣逆子鱗集左右往往潛詣輦轂不知何謀宜繫治之以翦其萌竝復胡世寧鄭岳官爵使之并力討賊庶賊不久自滅奏上不數日反書聞世宗嗣位疏論寧樞及中侍谷上用世宗雅納之時錦衣冗員不下數千淮承旨清刷梳剔升光祿少卿

會大同辛丑拔我總兵遂代王廷議簡淮往至則謁代王故與鎮巡逐日高宴卒果來境乃麾之入可二百人厲聲堵立淮不爲動慷慨數語二百人者受指麾聽操閱如改拜淮僉都御史巡撫延綏嚴攻守謹斥堠方大用之而卒所著有麗川集詩通

胡綸桂林人正德間舉人任尤溪知縣遇亢旱晨夕拜庭中徒跣出祈天雨隨注以憂去貧至不能奔喪閩書

徐乾字健夫正德間進士知新會撫定儋州諸黎因與約世世納稅歷廣東參政爲福建按察使以忤直指不列薦書朝議紛然擢福建右布政使又擢湖廣左布政使用快公議云乾性行直亮多與世忤坐靖藩親格於令甲不得內遷屢移疾乞歸湖廣巡撫顧璘獨薦其才器可大用屬駕南狩乾以忤貴人逮至京獄具罷官歸舊志

張策字獻可正德丙子舉人任歸州學正州當水道之衝策賦詩云有風清我骨無計解民愁人傳誦之擢武平知縣寬厚得民邑有牛輓嶺金雞嶺峩峩陡峻命夾道樹青松往來便之至此之崇陰云粵西文載

袁吉字本善正德丙子舉人授南海教諭以躬行爲諸士先魏藩器之擢知襄城按丁田定等則自是賦役悉均逃移漸復乞歸年八十七終粵西文載

唐元殊字同卿父瀋爲汀州同知元殊甫九歲過太守署觀牡丹索筆爲賦語甚工正德丙子年十四歲舉鄉試第一性任達好飲酒酣授之以筆雲飛泉湧若有神助時里中任唐以詩自負見元殊作輒歎服然元殊亦亟稱唐以爲雅健不可及云舊志

張星字子揚正德丁丑進士改庶吉士歷官不常少卿庚辰己丑兩預會試所拔皆名士事母孝

處二兄恭居常端嚴敬填公府事未常有所關說議罷本縣役馬民至今稱之

文聘

唐瀛字文厚臨桂人正德四年三省尚民騷動流寇峰起甯化轉攻清流瀛時同知澄州以民兵

三千人兼程趨縣賊望風遁勒兵西追絕其北戶以軍功遷知州

臨桂名

許璧任饒平知縣以廉幹著稱祀名宦

文聘

呂璋字秉之以貢生授徐聞知縣縣濱海距省會千餘里禁網闊疏璋至裁長夫省供張宿蠹一

清有關民瘼政體者毅然為之調定遠去之日百姓遮泣醅饌敦舊厚倫里中稱長者子調陽

文聘

陽寅正德丙子舉人知臨武縣守己甚嚴嘗書天地鬼神監察於座右在任二年豪右側足吏民

不敢干法

湖廣名宦志

屠楷字良植嘉靖癸未進士由兵部主事遷吏部時尚書汪鋐希世用事楷典選一無所徇鋐亦

不能挽也累升至工吏兵三部尚書後以休歸居第落落僅足蔽風雨當道以所鄰官舍益之不受

也楷體貌恂恂官三十餘年獨立無朋事母王太夫人甚孝詩文務求明理不事雕琢所著有西

隱漫稿諡恭簡

文聘

張騰霄字子翀嘉靖壬午舉人授鄧州學正講心性之學先德行而後文章士皆有所造就譽望

日盛忌者譏之遂挂冠歸里集邑中才俊開帳講易自故相呂文簡而下咸北面稱弟子暇則尋

幽選勝意所有得輒披襟舉杓行吟而歸所著有古穰漫稿楚客吟草等集舊志

鄭琬字德甫嘉靖癸未進士歷任兵部郎中典武選汰武職之冗濫者千百人著為式名曰武選

條例擢鎮江知府以直道忤時貴謫和州同知卒於官

文聘

任良幹字直夫嘉靖乙酉舉人授潛江教諭有鄂人劉某者為巴縣簿其妻弟王邦相攜幼子六兒來訪之劉拒不納旋亦失官歸邦相以病劇亡附其船薄恙之至潛江推而棄諸路邦相卧不起六兒行乞至學舍良幹見其狀不類亡者詢之得其故乃親詣邦相卧處致醫藥饘粥及卒為治後事收養六兒教之書劉簿既歸邦相妻詢其夫若子不得疑見殺訟之官獄久不決翰林王九思邦相族人也其子為順天通判良幹令六兒寓書通判以掌印書尾書至而通判已卒亡何喪歸九思檢其篋得六兒掌印書因出以示或疑其偽邦相妻泣曰吾兒指缺此當是也使決子持金至潛江取六兒時良幹已行取赴闕瀕行預誠家人若鄂人來取子毋留一錢至則卻其餽謝厚遣之而劉簿之獄解良幹後為中陽州牧更以循卓稱

金通志

曾曙嘉靖乙酉舉人為平湖令歲甲辰五月不雨秋大饑曙力請當道出粟賑之仍開置廠所十餘設粥以食飢者緩不急之徵節無經之費遇死屍橫道則潛然泣下捐俸易棺以葬會當路催徵甚急曙毅然曰吾職可罷民不可毒有通稅者咸縱使歸業勿之棄民得免轉徙溝壑之苦然曙以緩徵罷去去之日號泣遮送者以千數民思之祀名宦

粵西文獻

楊鸞字伯鳴嘉靖戊子舉人任銅仁府通判歷官二十餘載清貧不異寒儒引疾乞休閉門謝人事對妻孥雖大暑未嘗去冠處鄉人雖孩童亦不失信

粵西文獻

董德明字汝哲嘉靖壬辰進士授南雄推官應戶曹出知處州有遺愛整飭曹濮兵備有擒賊首施尚詔功以河南參政致仕抵家日與閭里款洽有屬以官事者德明不應招行酒者酌滿語曰月色清佳止宜縱飲何得預人家事其人語塞有故人辭別之官德明載酒追送伏波山下臨發戀戀日子行矣愧無以贈贈子以不貪耳故人拜受而去德明素行廉潔家無餘資卒之日幾不

能驗其子質於姻黨乃克舉喪 舊志

項邦嘉靖甲午舉人知感恩縣賑恤凶荒視民如子值黎亂躬詣諸崗多方撫諭以勞瘁卒 廣東名宦志

殷從儉字汝中嘉靖甲辰進士教授廣州升國學擢兵部主事升廣東屯鹽僉事攝嶺東兵務倭奴猖獗提孤兵當一面勞勩萬狀偶與制府議軍事相左遂引疾歸尋起為福建僉事歷南太僕少卿廷議討古田從儉作奏記上之大略謂僮故畏狼古田當萬山之叢非狼兵不可又理亂民猶理亂繩進兵之初宜分別良惡殲渠魁以申法宥餘醜以示恩事平之後即以所調土司族目分授巡檢職事聽司府管轄如思恩九司例悉如所議行尋巡撫南贛未幾改福建所至務守便宜非太甚無輕舉尤不喜苛細初倭發難時籍民丁田為戍餉名曰丁四糧六每易一撫臣輒增數千金至四增而九六增而十三即歲大侵猶取贏焉民倍稱輸餉閭里蕭然乃為汰虛籍裁冗費復丁四糧六舊賦民困以甦甫以內臺簡召疾三日卒民思之不置為專祠祀之 舊志

宋廷表字進之嘉靖丁未進士累官湖廣參議分守衡永於桂為比鄰方嚴端愼即里中人不敢干以私時當事者奏請開郴州銀礦固止之郴人尸祝且蠲田若干畝充祀云卒之時所親持一檄令之署張目視之則下所司取錢金者擲筆而絕其不亂如此 鴻西載

張言字思默嘉靖丁未進士父喪即先櫬結茅而廬有虎繞其側不為怖初授永豐令多巨室有以私請者重罪之自是不敢有所請而前請者銜之三年奉內召竟以銜者沮擢戶曹權舟淮上剔弊釐奸一無所染改祠部郎出知尋甸即投紱歸築拙逸庵於江濱號拙逸居士 鴻西載

呂調陽字和卿號豫所母夢巨蟒入室而生七歲就外傳自指千文律呂句曰茲吾名也因名之

少長受易博觀史傳為文奇恣可喜嘉靖甲午舉於鄉登二十九年進士廷試一甲第二授編修
應官武英殿大學士少保兼太子太保事父母極孝居喪哀毀骨立親暱罕見其面立朝重名義門
無私謁時分宜柄政多附其黨調陽獨固謝不往兩主會聞一分枝三任成均率以身教先德而
後藝石愿慙而左智巧侍講經筵先期齋沐冀以精誠悟君進講則引經據古勿規時政諸藩王
外戚及中官有以踰制請者必議罷而諸曹郎吏亦各凜凜奉職兩朝實錄悉共纂修一切典禮
多所釐定其經國文章更有垂諸不朽者以疾乞歸帝遣御醫視藥命其子祠部郎興周侍以行
賜帑金百兩文綺二襲卒贈太保諡文簡通志

文章嘉靖間以舉人知增城縣性廉靜門無私謁里胥徵收者強索耗例以媚令輒侵牟其半章

禁絕之學校壇宇莫不增修遷欽州守應處州同知所至有遺愛云廣東志

尹尚賓一作賢嘉靖丙午舉人任臨臬教諭性磊落有風概日校典籍手不釋卷具教士子務以名

節相勛時捐俸助貧生膏火後擢國子助教舊志

劉凱字少川嘉靖乙酉舉人知臨湘縣清介自持周悉民隱時有民謠云劉少川不要錢百姓有

飯官無鹽明諺名

張襄字近江嘉靖己酉舉人署華陽教諭擢衡陽知縣政尚寬厚士民德之鶴野

易元貞字正之嘉靖己酉自崇陽令調平江縣恤孤弱禁強禦暇日延諸生論道談文當道交章通志

薦之報至卒囊無餘物殮葬皆出於士民適適哀痛為之罷市崇陽市民亦至平江泣弔通志

拱時字道軒嘉靖丙戌進士拱廷臣之子也少負雄略習武經嫻弓馬登嘉靖壬戌武進士署本

省正千戶奉調征古田時率所部南丹月兵奮勇前驅多所擒馘敘功准實授復征平樂府江及

昭半四屯所至皆能破賊直抵巢壘屢有功歷指揮同知後乞休歸時喜讀書有儒將風且御下以恩士卒樂爲致死故每戰輒有成功云

粵西文載

張鳴鳳字羽王世居離山下嘉靖壬子舉人官至應天府通判初鳴鳳應童子試督學謝少南奇其文謂之曰子不患不成名患胃中無成書耳乃取兩漢書授之出處輒攜之行數年學成平生著作最富在官日著有漕書八篇極論漕運利弊又以丹陽京口并出於江水淺船多欲別開運道由孟瀆趨曰塔河至揚州其說甚辯而時不能行謫官保甯往返於途作西遷注一卷晚歲家居著桂勝十六卷桂政八卷體製詳贍其論裴行立不當祠名宦朱襪孫不當祀宣成書院具見史裁焉其書成於萬曆己丑總督劉文繼巡撫蔡汝賢皆爲之序汝賢復屬修廣西通志未成卒所著詩文有浮萍集一卷東潛集一卷及河垣謫臺粵臺各稿李維禎嘗稱之曰羽王詩有聲而仕無中人推頹不達豈有遺行邪抑所遇非時也蓋深惜之子揆萬曆壬午舉人僧超撥鳴鳳孫也自稱家遺鷄集七種值兵火幸存撮其十二爲羽王先生集略鳴鳳官南都時娶於周氏名潔字玉如亦能詩有雲巢詩一卷

舊志

崇明史有兩張鳴鳳皆非羽王又崇江西通志豐城縣有張鳴鳳亦嘉靖壬子舉人恐致混淆辨正於此

舊志

唐文傑桂林人嘉靖間知大田縣慈祥愷悌與民休息以不附權要謫去百姓返道泣留

福建名宦志

王熙字元穆少機警跌宕不羈既冠補博士弟子乃折節向學事母敬謹無違晨昏必衣冠定省有事則長跪以請兄素好飲博多敗檢熙每飯必與兄同食兄脫不至雖夜分不獨食也兄感之卒化於善

舊志